

# Spirit of Bosnia / Duh Bosne

An International, Interdisciplinary, Bilingual, Online Journal  
Međunarodni, interdisciplinarni, dvojezični, online časopis

## TONGARIRO

Milorad Pejić

O oblak okružena kabanica vulkana Tongariro zakopana je uz vrat jednim jedinim okruglim dugmetom: Plavim jezerom. Na dnu jezera, u visini srca, kuca paklena mašina. Pokušavamo da ne mislimo, pokušavamo da ne znamo ali nam njeni damari ko žmarci uzlaze uz kišmu i znoje se.

U plavom jezeru na vrhu vulkana Tongariro nema ništa za jelo, sâm kamen. To znaju žudne ptice dugih vratova ali ipak, na svom putu preko okeana, slijeću na njega. One su, leteći visoko, nadživjele svoje neprijatelje pa sada odmaraju krila na valovima kao na ljuljaškama.

I mi smo, ti i ja, žudne ptice dugih vratova koje su nadživjele sve svoje neprijatelje. Dolazeći izdaleka spuštamo rance i zalazimo u mrtvu vodu vulkana Tongariro. Odmaramo se od svoje hrabrosti.

The preceding text is copyright of the author and/or translator and is licensed under a Creative Commons Attribution-NonCommercial-NoDerivs 3.0 Unported License.